



Il mas-chalch da Sent

Publicaziuns officialas. Cumpara seguond bsögn.

2003/2005

no. 30

7554 Sent, 14 avrigl 2005 / mw

Radunanza cumünala

La radunanza es gnüda fixada sün **lündeschdi, 25 avrigl 2005** a las 20.15 in chasa cumünala.

Tractandas:

1. Protocol da la radunanza cumünala dals 9 december 2004, acta 9
2. Orientaziun a regard concept da rait e proget da sauaziun
3. Credit brüt da fr. 40'000.-- pel concept da rait
4. Credit brüt da fr. 51'000.-- (net fr. 9'200.--) per la via da Flüs (meglioraziun)
5. Varia

Il Cussagl cumünal

Liber da far romma

A partir da **sonda, 30 avrigl 2005** esa liber da far romma pro seguaints tagls: La Jenna, Ischla, Plan da la Jürada, Tramblai e tuot ils oters cuntegn. **Exclus es il tagl actual da Munt.**

Per plaschair rumir l'ultim la fruonzla e filfiers our da las vias.

Il silvicultur

Deponia La Fuorcha – avertüra officiala

A partir da quista publicaziun es la deponia La Fuorcha darcheu averta. La clav da la deponia La Fuorcha as po retrar d'urant las uras da fanestrigl i'l büro cumünal.

1. Tenor las directivas da la PEB chi's basan sül art. 26 da la ledscha chantunala per l'allontanamaint d'arüd (AbG), esa admiss da depositar sülla **deponia cumünala** be **material net da s-chav, roba da üert e frus-chaglia** cunter üna taxa da fr. 7.-- per m³.
2. **Tuots oters materials** sun da depositar sülla **deponia regiunala Sot Ruinas a Scuol**.
3. I das-cha gnir deponà be material dal territori dal cumün da Sent.
4. Il quantum e che material chi vain manà sülla deponia es d'indichar in büro cumünal.
5. **Privats** pon depositar **gratuitamaing** fin **5m³** material net da s-chav o roba da üert e frus-chaglia, **l'on**.
6. Pro'l deposit da gronds quantums da material da s-chav esa da contactar **ouravant** cul responsabel, Johann Tschalär.

Il Cussagl cumünal

Placas da velos e töffins

A partir da subit as poja retrar placas per velos e töffins d'urant las uras da büro. La placa pel velo cuosta frs. 6.00 e nun es, tenor l'inspectorat chantunal, plü gratuita. Las placas pels töffins cuostan frs. 48.20 al toc.

Pulizia cumünala

Ingrazchamaint Super – G Champatsch

Il comitè d'organisaziun ingrazcha a tuot las agüdantas ed agüdants, a la gruppa da samaritans, als sponsurs, a las pendicularas MNSFS ed al cumün per Lur grond sustegn demuossà invers nossa cuorsa tradiziunala. Id es stat ün grond success e no sperain eir l'on chi vain, pro nos 22avel Super – G Champatsch, chi varà lö als **5 marz 2006**, sün Vos agüd.

Grazcha fich!

Il comitè d'organisaziun

Corporaziun evangelica Sent

La radunanza generala da la Corporaziun evangelica ha lö in **marcurdi, als 20 avrigl 2005**, a las 20.00 illa saletta in chasa da pravenda

- Tractandas:**
1. Salüd e tscherna scrutinaduors
 2. Protocol da la radunanza dals 20 avrigl 2004
 3. Rapport annual dal president
 4. Rendaquint 2004
 5. Rapport dals revisuors da quint
 6. Preventiv 2005
 7. Fixar pè d'impostas
 8. Rapport annual dal ravarenda
 9. Tschernas
 10. **Funerals in Baselgia**
 11. Varia

Davo la radunanza as poja star amo ün pa insembel e baiver ün caffè o ün tè e mangiar ün toc tuorta. Sperond sün üna numerusa cumparsa As invida

pel Cussagl da baselgia
il president Gisep Stricker

Tscherchè da tour a fit a lunga dürada

Famiglia cun duos uffants (3 e 5 ons) tschercha da tour a fit a partir da la mità da lügl, o tenor cunvegna, ün'abitaziun d'almain 4 stanzas per lunga dürada.

Annunzchas pon gnir fattas per telefon sül no. 061 693 44 14 o per fax 061 683 80 85 o directamaing al Atelier Schwarz n Egger, Burgweg 15, 4058 Basel.

M. Egger

Nu vessast eir gugent da dar üna chantada?

Marcurdi, 20 avrigl 2005 a las 20.30 h in chasa Misoch

chantaina da spür dalet

e quai chanzuns d'uffants, da scoula, da giuventüna (eir talianas!), chanzuns da coro e chanzuns veglias bod invlidadas.

Damaja scha tü hast eir tschüff murbigns schi vè eir tü, bain istess scha tü est vegl (veglia) o giuven (giuvna), filomela o corv, vè simplamaing e't lascha surprender

Anna e Madlaina